

အပိုက် အပိုက်၊ ဝိပဋ္ဌ ပာဏပုဗ္ဗါ  
**AWIG - AWIG MIWAH PARAREM**



၇၃၈၇ ပုဂံ၊ ဝါးလှေ ဝါးလှေ  
**DESA PAKRAMAN TARO KAJA**  
**TAHUN 2002**

PIDAGING

MAKA BANTANG AWIG-AWIG  
DESA PAKRAMAN TARO KAJA

MURDHA – CITTA

Widang

PRATAMA SARGAH : ARAN LAN WAWIDANGAN DESA ....	2
DWITYA SARGAH : PATITIS LAN PAMIKUKUH .....	3
TRITYA SARGAH : SUKERTA TATA PAKRAMAN .....	4
Palet 1 Indik Krama .....	4
Palet 2 Indik Prajuru / Dulun Desa .....	10
Palet 3 Indik Kulkul .....	12
Palet 4 Indik Paruman .....	14
Palet 5 Indik Druwen Desa .....	17
Palet 6 Sukerta Pamitegep .....	21
Kaping 1 Karang, Tegal lan Carik .....	21
Kaping 2 Pepayonan .....	23
Kaping 3 Wewangunan .....	24
Kaping 4 Wewalungan .....	25
Kaping 5 Bhaya .....	26
Kaping 6 Panyanggran Banjar .....	28
CATHURTAS SARGAH : SUKERTA TATA AGAMA .....	28
Palet 1 Indik Dewa Yadnya .....	28
Palet 2 Indik Resi Yadnya .....	37
Palet 3 Indik Pitra Yadnya .....	38
Palet 4 Indik Manusa Yadnya .....	45
Palet 5 Indik Bhuta Yadnya .....	46

PANCAMA SARGAH : SUKERTA TATA PAWONGAN .....	49
Palet 1 Indik Pawiwahan .....	49
Palet 2 Indik Nyapian .....	52
Palet 3 Indik Sentana .....	55
Palet 4 Indik Warisan .....	58
SAT SARGAH : WICARA LAN PAMIDANDA .....	61
Palet 1 Indik Wicara .....	61
Palet 2 Indik Pamidanda .....	63
SAPTHAMA SARGAH : NGUWAH-NGUWUHIN AWIG-AWIG .....	65
ASTHAMA SARGAH : SAMAPTA .....	65

## MURDHA CITTA

### AUM, OM

#### **Om Swastyastu, Om Awighnamastu Nama Sidham**

Malarapan panghyangning Ida Sang Hyang Widhi Wasa, asung kerta nugraha ngawentenang kahuripan sakala niskala, ring Bhuana Agung lan Bhuana Alit. Manut dresta desane wantah pawakan pasayuban krama desa rawuhing kula warga pawonganya, desane kamanggehang Bhuana Agung, pawonganya sowang-sowang pinaka Bhuana Alit.

Sotaning Bhuana Agung desane wantah pawakan bhawa maurip jangkep saha Tri Hita Karana, Luwire :

- ha). Parhyangan, sahananing kahyangan, panyiwian desa genah ngarcana Ida Hyang Parama Wisesa, maka jiwane desane;
- na). Pawongan : krama saha warga desa maka sami pawakan bayu Pramana (Tri Kaya) mawinan desane sida molah maprawerti;
- ca). Palemahan, tanah kakuwuban desa sinanggeh stula sariraning desane.

Adung patemon Bhuana kalih. Larapan santa jagadhita, sinanggeh murdhaning prayojana panggiptaning awig-awig desa pakraman ring sabha Krama Desa Pakraman Taro Kaja.

Pamutus sabha inucap pinaka sepat siku-siku pamatur, wastu prasida prayojanan mami kabeh prasama anghidep muwah amagehaken kadi linging awig-awig iki.

## PRATAMA SARGAH ARAN LAN WAWIDANGAN DESA

### Pawos 1

- (1) Desa Pakraman puniki mawasta Desa Pakraman Taro Kaja;
- (2) Jabar kakuwuh wawidanganya mawates nyatur ;
  - ha. Sisih Wetan ring Desa Pakraman Bonjaka;
  - na. Sisih Kulon ring Tukad Wos Ulu;
  - ca. Sisih Lor ring Desa Pakraman Belong;
  - ra. Sisih Kidul rin Desa Pakraman Tatag.
- (3) Desa Pakraman puniki kawangun antuk 227 Tegal Ayahan Desa, karang desa lan karang gunakaya kaepah dados 4 tempekan, soang-soang sinanggeh tempekan luwire ;
  - ha. Tempek Kaja;
  - na. Tempek Tengah Dajanan;
  - ca. Tempek Tengah Delodan;
  - ra. Tempek Kelod.

**DWITYA SARGAH**  
**PATITIS LAN PAMIKUKUH**

**Pawos 2**

Desa Pakraman taro Kaja ngamanggehang pamikukuh minakadi :

- ha. Pancasila;
- na. Undang-Undang Dasar 1945;
- ca. Paswara Sang Mawangrat nganinin indik Desa Pakraman;
- ra. Tri Hita Karana manut sada cara Agama Hindu.

**Pawos 3**

Luwir patitis Desa Pakraman Taro Kaja :

- ha. Ngukuhang miwah ngerajegang Sang Hyang Agama;
- na. Ngiggilang tata prawertine maagama;
- ca. Ngarajegang kasukertan desa saha pawongannya sakala lan niskala.

**TRITYA SARGAH**  
**SUKERTA TATA PAKRAMAN**

**PALET 1**

**Indik Krama**

**Pawos 4**

- (1) Sane kabawos Krama Desa Pakraman Taro Kaja inggih punika kulawarga sane maagama Hindu saha ngamong Tegal Ayahan Desa, Karang Desa lan Karang Guna Kaya utawi jenek mapaumahan ring sawidangan Desa Pakraman Taro Kaja,
- (2) Sajaba punika kasinanggeh Tamiyu sane kabinayang dados kalih inggih punika sane maagama Hindu miwah siwosan ring maagama Hindu;
- (3) Indik tamiyu punika manut pararem;

**Pawos 5**

Krama Desa Pakraman Taro Kaja wenten 4 (petang) pawos luwire :  
ha. Krama ngarep : Kulawarga sane ngamong Tegal Ayahan Desa inggih punika,

1. Sane ngamong tegal lan karang makueh ipun 124 diri, manut ilikita.
2. Sane ngamong tegal kemaon makueh ipun 103 diri, manut ilikita.

- na. Krama Balu : krama sane katinggal seda olih lanang utawi istrinyane utawi sangkaning nyapihan, krama balu inucap kabinayang dados kalih ;
1. Balu makrambian, inggih punika balu sane maduwe sentana dereng marabian utawi dereng antes ngayah,
  2. Balu ngalisting, inggih punika balu sane tanpa sentana
- ca. Krama nekel, kulawarga manut aksara ha utawi na ring ajeng sakewanten durung antes ngayah utawi salami kantun masekolah malarapan ilikita pastika saking sekolahnya, manut pararem;
- ra. Krama pangempian/pangele : Kulawarga sane nenten ngamong Ayahan tegal nanging sampun mawiwaha utawi jenek mapaumahan ring karang desa, Karang Guna Kaya ring sawawidangan Desa Pakraman Taro Kaja.

#### Pawos 6

Ngawit dados Krama desa inggih punika :

- ha. Sangkaning ngamong Tegal Ayahan Desa, Karang Desa, Karang gunakaya, jenek mapaumahan utawi manut pararem;
- na. Mawiwit Pawiwahan.

### Pawos 7

Panamayan tedun makrama desa ;

- ha. Tedun makrama Desa Pakraman majalaran antuk pinunas ritatkala nuju Purnama ring krama sane ngamong Tegal Ayahan Desa, mapiteges taler tedun makrama banjar;
- na. Jenek mapaumahan, ngmong Karang Desa, Karang Gunakaya manut pararem;
- ca. Mawiwit pawiwahan tedun makrama, nyabran Sasih Kasanga.

### Pawos 8

Sahanan Krama Desa sane keni tategenan (ayah-ayahan) luwire :

- ha. Ayah ngarep mapiteges, urunan miwah ayahan mamungkul,
- na. Ayah balu mapiteges urunan mamungkul nanging ayahan manut kahanan balu inucap;
- ca. Ayah Tekelan mapiteges : keni urunan mamungkul, kaluputang ayah-ayahan, ngantos mayusa 17 warsa, utawi sampun mawiwaha. Yening kantun masekolah taler kaluputang ayah-ayahnya, malarapan ilikita pastika saking sekolahnya;
- ra. Ayahan pangempian mapiteges : urunan miwah ayahan ring pura Dalem saungkul siosan ring punika manut pararem.

### Pawos 9

Swadarman Krama, sewosan ring tategenan, luwire ;

- ha. Tinut saturut ring sadaging Awig-Awig, pararem lan paswaran Desa;
- na. Tan maren ngutsahayang mangda Desane mrasidhayang nyujur manut patitis;
- ca. Tinut saturut ring Guru Wisesa.

### Pawos 10

Swadarman Tamiyu, luwire :

- ha. Tinut saturut ring yasa kertin Desane;
- na. Tan piwal ring sadaging Awig-Awig, pararem lan paswaran Desa;
- ca. Nyadokang raga ring prajuru arahina sasampun jumenek malarapan antuk ilikita pastika saking desane utawi sang ngawawenang;
- ra. Yan tan tinut pacang kairid (tan kadadosang jumenek ring Desa Pakraman Taro Kaja).

### Pawos 11

Pilih-olihan krama :

- ha. Polih pasayuban sakala niskala tur kabawosin saha katiwakin pamutus sahanan wicaranya;
- na. Nyarengin paruman tur wenang sareng mastikayang pamutus;
- ca. Kadadosang madeg Prajuru, manut pararem.

### Pawos 12

Krama Desa Pakraman kadadosang :

ha. Mapuwangkid utawi tan tedun :

- 1) Rikala mapawangunan, ngaraabin, mayadnya, nandur, mamulih, matepetin rare, sungkan, kaluasan, cuntaka lan siosan punika;
- 2) Kengin tempo wantah apisan, sajawanin wenten wak-wakan saking Prajuru Desa

na. Nyada mapiteges ngamademang ayah, risampun mayusa 75 warsa tur masadok ring parajuru, tan dados nyuksukin, sang nyada mangda digelis (sajeroning 6 sasih ngantos 12 sasih) nyantenang panyeladihi;

ca. Nyada utawi nyuksukin, sane kawenangang risampun munggah deha teruna utawi mrasidayang nganutin krama;

ra. Nutug ayah antuk arta brana santukan kapialang utawi ngentos ayah-ayahan antuk arta brana manut pararem.

### Pawos 13

Wusan dados Krama Desa Pakraman, luwire :

ha. Sangkaning :

- 1) Pinunas ngaraga, manawi kesah kadura desa utawi ngalangkungin segara.

- 2) Kanorayang duaning sampun tan prasida kapekelingin naler tan prasida ngehehin solah maprawerti satata nguwig kecaping awig-awig.
- 3) Wusan makrama desa mapiteges taler wusan makrama banjar, utawi wusan makrama banjar mapiteger wusan makrama desa.

na. Sang wusan makrama :

- 1) Patut ngaturang Tegal Ayahan Desa utawi karang ayahan ke desa prade tegal/karang punika Tegal/karang desa.
- 2) Tan polih pah-pahan sangkaning padruwen desa.
- 3) Sang wusan makrama desa/banjar prade mawali malih patut nawur saurah-arit tategenan krama manut pararem.

ca. Sang wusan sangkaning kanorayang, prade mawali malih patut :

- 1) Muntasang saluwir pamidanda utawi tategenan sane ngranayang kanorayang.
- 2) Nunas geng pangampura ring paruman desa maduluran panyangaskara panyapsap kaiwangan duwaning nguwah pasubaya pecak.

**PALET 2****Prajuru Lan Dulun Desa (Panglingsir)****Pawos 14**

- (1) Desa Pakraman Taro Kaja kaenter olih Bandesa Pakraman.
- (2) Banjar Pakraman kaenter olih Kelian Pakraman.
- (3) Bendesa lan Kelian Pakraman patut :

ha. Mawiwit sakeng krama ngarep / wed kajangkepin antuk :

- 1) Uning ring aksara latin utawi Bali
- 2) Uning ring tata-titinin mawa Desa
- 3) Uning ring pariindik Agama lan Pakraman/sima
- 4) Lascarya Ngayah tur madruwe parilaksana sane ayu

na. Kaadegang malarapan antuk kacatri olih paruman soang-soang nyabran 5 (limang) warsa utawi manut dresta, tur dados kacatri malih.

ca. Maduluran dewa saksi ring pura agung.

**Pawos 15**

- (1) Bendesa Pakraman kasanggra olih :

ha. Patajuh utawi pangliman pinaka wakilnya.

na. Panyarikan pinaka juru surat, tur ngenterang sukerta niskala ring palinggih panyarikan.

ca. Patengen pinaka pangemong druwen desa.

ra. Kasinoman pinaka juru arah.

- (2) Kasinoman akehnya manut kawigunan saha magilir nyabran purnama.
- (3) Sajeroning ngenterang kasukertan niskala, bendesa mingsingghang Pemangku Kahyangan Desa kaenter antuk pider lan pangarombo.

#### Pawos 16

- (1) Swadarmaning Bendesa Taro kaja, luwire :
  - ha. Ngenterang sadaging awig-awig miwah pararem Desa Pakraman.
  - na. Nuntun tur ngenterang krama rauhing warga desa ngupadi manut patitis.
  - ca. Mawosin kalih niwakang pamutus arep ring wicara Warga Desa pakraman.
  - ra. Maka duta, Desa matemuang baos ring sapasira ugi.
- (2) Prade dulu-dulu desa iwang pangalaksana keni pamidanda, saha kangkat kararyanang manut pararem.

#### Pawos 17

Patias utawi olih-olihan Prajuru / dulun desa

- ha. Luput rerampen / luput manuk.
- na. Upon pecatu carik.
- ca. Patias siosan manut pararem.

**Pawos 18**

(1) Prajuru / dulun desa kagentosin riantukan :

ha. Seda.

na. Kanorayang duwaning iwang pamargi utawi nilar sesana.

ca. Wit sakeng pakayun utawi pinunas ngaraga tur manut ring pararem.

(2) Nganorayang utawi ngentosin Prajuru / dulu-dulu patut sajeroning paruman tur kaingkupin olih Krama Desa Pakraman.

**PALET 3****Indik Kukul****Pawos 19**

(1) Kukul ring Desa Pakraman luwire :

ha. Kukul ring Kahyangan;

na. Kukul Desa;

ca. Kukul Banjar;

ra. Kukul Pakraman / Sekaa-sekaa.

(2) Tabuh tatepakan kukul ring Kahyangan Desa Pakraman :

ha. Nguntit / silih asih, tengeran wenten yadnya/upacara;

na. Duang tulud lambat, tengeran tedun ngayah.

(3) Tabuh tatepakan kukul ring banjar

## ha. Bulus;

- 1) Nungting, atulud bulus tengeran wenten kageni bhaya.
- 2) Nungting, duang tulud bulus tengeran wenten kapandangan (artha bhaya).
- 3) Nungting, tigang tulud bulus tengeran wenten jiwa bhaya.
- 4) Duang tulud bulus tan magandilan tengeran pawiwahan.
- 5) Atulud bulus tan magandilan tengeran rare embas.
- 6) Tigang kelentungan panjang tengeran lindu, er, lan pawana bhaya.

## na. Kelentungan

- 1) Tigang kelentungan tengeran kalayu sekar rare (dereng maketus)
- 2) Pitung kelentungan tengeran kalayu sekar sampun maketus
- 3) Sia kelentungan tengeran kalayu sekar sampun lingsir (75 warsa)

## ca. Lambat

- 1) Duang tulud lambat tengeran tedun ngayah.
- 2) Duang kelentungan ngepang panjang tengeran ngawangdeang karya.

**Pawos 20**

- (1) Kulkul Desa utawi Banjar tan wenang katepak yening tan saking pituduh Prajuru Desa / Banjar sajawaning tengeran bhaya.
- (2) Sang nepak tan sangkaning pituduh patut digelis atur supeksa maka buatan panepakan, yan tan sapunika wenang sang murug kadanda manut pararem.
- (3) Kulkul sekaa-sekaa samaliha kulkul pondokan-pondokan tan kalugra nyawenin (matehin) sukat utawi tengeran kulkul Desa / Banjar sajawaning tengeran bhaya, prade mamurug taler kadanda manut pararem.

**PALET 4****Indik Paruman****Pawos 21**

- (1) Paruman / sangkepan ring Desa Pakraman Taro Kaja, wenten:
  - 1) Paruman Desa Pakraman Taro Kaja kwentenang ngasasih nemoning Purnama, tur prade nemoning pasah kearepan utawi kaungkuran arahina.

- 2) Paruman Banjar Pakraman Taro Kaja nyabran ngasasih nemoning umanis tumpek maka cihna tanpa arah duaning sampun tetep panamaya manut pararem.
- 3) Napkala (padgatakala) maka jalaran arah-arahan manut tatujon.

- na. Sangkepan prajuru/ dulun desa kawentenang manut wiguna.
- ca. Ring pasangkepan krama desa kangakat mikelingin / mapungu ring prajuru desa yening wenten wicara tan kaunggahang ring pasangkepan punika.
- ra. Tempek Kelod.

(2) Paruman Desa utawi Banjar madudonan sekadi ring sor;

- ha. Prasida lumaksana risampun katedunin olih sang patut ngamiletin, kamanggala antuk tengeran kulkul miwah, abusana adat madya, saha masungklit keris miwah patut nganutin genah inggih punika Pamangku Kubayan lan Prajuru ring dulu, tan maren ngarancana ring Ida Bagawan Panyarikan maka sarana widhi widana cane maduluran bubuh lan kukus.
- na. Maka sarana janggi, pangawit agung alit manut pararem.
- ca. Tan kalugra ngawetuang suara goro utawi byota, yan wenten asapunika keni pamidanda bea pacamil kadi dandaning nguman-uman ring saba, keni pamidanda pamerayascita alit.

- ra. Pamutus paruman briuk siu / briuk sepanggul (ingkup) punika kasungkemin.
- ka. Paruman sekaa-sekaa manut pabuat.
- da. Prade pidaging paruman tan kaingkupin mangda prajuru / dulun desa ngilikang bebaos saha putusannya mangda kararemin olih krama desa bilih tan prasida kasungkemin jantos ping tiga; prajuru / dulu desa wenang nunasang ring sang ngawawenang.

#### **Pawos 22**

- (1) Sajeroning paruman desa Bendesa Pakraman patut nyobyahang pamargin ngenterang desa pamekas nganinin indik:
  - ha. Munjuk lungsuring pakraman saha ayah-ayah sulur arta brana druwen desa;
  - na. Rencana prejuru / dulun desa nganinin usaha desa kapungkur.
- (2) Pamutus paruman desa sinanggeh pararem maka pamitegep daging awig-awig.

#### **Pawos 23**

- (1) Sangkepan prajuru / dulun desa kawenangang wantah ngarincikan usaha desa kapungkur.

- (2) Sangkepan prajuru / dulun desa tan kawenangang ngawedalang tategenan ring krama sadereng kaingkupin olih-krama desa ring paruman.
- (3) Pamutus sangkep prajuru / dulun desa ngawetuang paswara maka pituduh sang ngawawenang utawi ngonekang pacak pararem krama desa.

## PALET 5

### Indik Druwen Desa

#### Pawos 24

Padruwen Desa pakraman Taro Kaja Sakadi ring sor :

- 1). Kahyangan Jagat Pura Agung Gunung Raung.
- 2). Pura Sang Hyang Tegat
- 3). Pura Sang Hyang Alang
- 4). Pura Sang Hyang Rau
- 5). Pura Dalem Watu Renggong
- 6). Pura Dalem Pingit lan Prajapati
- 7). Pura Dalem Simpangan
- 8). Pura Melanting
- 9). Padma Catus Pata
- 10). Pura Tegat Suci
- 11). Pura Pesiraman

- 12). Pura Penegtegan
- na. Bale Wantilan Desa Pakraman taro Kaja.
  - ca. Tanah Ayahan tegalan (manut ilikita).
  - ra. Karang Desa.
  - ka. Setra Gede saha palebahannya, makadi setra rare, Setra Gigi, Setra Pamuun, Setra Genit, sinamian kirang langkung 28 HA.
  - da. Palaba pura marupa carik magenah ring :

1) Subak Let Taro Kaja : Laba Pura Agung Gunung Raung, Nomor : 340 ;

- ha). Persil 3 sp, kelas II, luas 0,105 Ha.
- na). Persil 4 sp, kelas I, luas 0,335 Ha.
- ca). Persil 5 sp, kelas I, luas 0,280 Ha.
- ra). Persil 7 sp, kelas I, luas 0,370 Ha.
- ka). Persil 14 sp, kelas III, luas 0,310 Ha.
- da). Persil 21 sp, kelas III, luas 0,160 Ha.
- ta). Persil 22 sp, kelas III, luas 0,340 Ha.
- sa). Persil 28 sp, kelas II, luas 0,400 Ha.
- wa). Persil 70 sp, kelas II, luas 0,830 Ha.
- la). Persil 73 sp, kelas III, luas 1,110 Ha.
- ma). Persil 74 sp, kelas III, luas 0,080 Ha.

---

Gebogan : 4,320 Ha.

2) Pelaba Tanah Tuh Pura Agung Gunung Raung, Nomor : 237 ;

- ha). Persil 9 dp, kelas III, luas 2,040 Ha. Taro Kaja / Alas Jaka.
- na). Persil 10 dp, kelas III, luas 2,360 Ha. Taro Kaja / Alas Jaka.
- ca). Persil 11 dp, kelas III, luas 0,080 Ha. Taro Kauh / Alas Jaka.
- ra). Persil 12 dp, kelas III, luas 1,260 Ha. Taro Kauh / Alas Jaka.
- ka). Persil 13 dp, kelas III, luas 0,170 Ha. Taro Kauh / Alas Jaka.
- da). Persil 25 dp, kelas III, luas 0,405 Ha. Abangan Kelod / Dauh Pura.
- ta). Persil 36 dp, kelas III, luas 0,105 Ha. Jalan telabah / Sang Hyang Alang.

---

Gebogan : 6,420 Ha.

3) Laba Bale Agung, Nomor : 238 ;

- ha. Persil 139 dp, kelas IV luas 3,725 Ha Banjar Kelakah / Pesiraman
- na. Persil 41 dp, kelas IV, luas 0,905 Ha, Banjar Suwung

---

Gebogan : 4,630 Ha.

- ta. Lelanguan minakadi tetabuhan lan ilen-ilen padruwen Desa Pakraman luwire :

- 1) Gong Padruwen Desa, Gong Barungan, Gong semar pagulingan.
- 2) Angklung Desa,
- 3) Ilen-ilen :  
Calonarang, Narnir, topeng.

sa. Lembaga Perkreditan Desa (LPD)

wa. Muah Padruwen siosan.

#### **Pawos 25.**

Piolihi-olihi Desa Pakraman Taro Kaja, luwire :

- ha. Piolihi-olihi sakeng palaba pura.
- na. Paica sakeng guru wisesa.
- ca. Paica-paica sane siosan sane patut.
- ra. Utsaha Desa Pakraman.

#### **Pawos 26**

- (1) Prajuru / Dulun Desa wenang ngetangang pamupon laba pura lan sapanunggalan druwen desa.
- (2) Pikolihi lan pamuponnya kaanggen prabiya piodalan saha wewangunan ring pura suang-suang miwah kaanggen kabuatan Desa Pakraman.
- (3) Nyabran pasangkepan desa, Dulun pangamong druwe nguningayang pariindikan munjuk lungsuring padruwean ring Krama Desa.

- (4) Sakaluring druwen desa patut wenten ilikitanya.
- (5) Tan kalugra ngadol utawi ngesahang padruwean desa yan tan kasungkemin olih Krama Desa ring paruman.

## PALET 6

### Sukerta Pamitegep

#### Kaping 1

### KARANG TEGAL LAN CARIK

#### Pawos 27

- (1) Krama Desa Pangemong, Tegal Ayahan Desa, Karang Desa patut ngawatesin tegal / karang inucap antuk tembok, pagehan / turus mangda pakantenanya asri.
- (2) Wates sisi Kaler miwah Kangin patut kakaryaning olih sang ngamong karang / tegal ayahan inucap, sane mawasta gegaleng kaluan, sajawaning tanah pacatu, tegal, carik, utawi tanah padruwen ngaraga sane kapiara watese sisi kelod miwah kauh, utawi manut dresta mawasta gegalang kateben.
- (3) Prade karasayang pagehan / turus inucap ngalikadin, yan pada arsa panyandinge kengin watese ngangge pinget kewanten kasaksinin olih prajuru dulun desa utawi prahcihna pal saking sang ngawawenang.

- (4) Prade wenten karang kabebeng mangda kautsahang wenten pamarginnya manut paigum lan pararem.
- (5) Tan Kengin;
- ha. Ngentungang leluhu, wangken wewalungan kapakarangan anak lian kalih kamargine utawi katukade.
- na. Ngembahang toya wit badan wewalungan, kakus, pasiraman, pawaregan miwah sane lianan katengah carik, kapakarangan anak lian, kamargine utawi katukade sane ngawinang ambu kawon.
- ca. Prade wenten sakadi ring ajeng keni pamidanda manut pararem.

### Pawos 28

- (1) Sinalih tunggil Krama Desa / Banjar tan kalugra :
- ha. Ngalah-alah margi, tegal ayah desa, karang desa.
- na. Ngalah-alah tanah linggih kahyangan, tegak setra, lan sakancan linggih sane sinanggeh suci.
- (2) Prade wenten sakadi ring ajeng, sang ngalalah wenang ngawaliang tanah inucap saha keni pamidanda sapatutna, tur kadulurin upacara ring pangelahlah tanah suci punika.

## Kaping 2

## PEPAYONAN

## Pawos 29

- (1) Ngawit nandur pepayonan tanem tuwuh patut adepa agung (2 Meter) ngajeroang sakeng wates, prade jantos ngaliwat wates, wenang kasepat gantungin.
- (2) Yening wenten tatanduran ngungkulin samaliha mawastu mayanin kapisaga patut kawara antuk paiguman ping ajeng prasida sang nruwenang wit ngarebah utawi notor.
- (3) Prade sampun kawara taler tan wenten usaha sang nruwenang wit sang rumasa katetehan / kajerihan wenang masadok ring prajuru / sulun desa tur risampun kaparitas kalugra ngicalang wit inucap.
- (4) Sang keni pamidanda panyangaskara saha prabiya manut pararem arep ring wewangunan sang karubuhan luwire :
  - ha. Sang nruwenang wit sinanggeh mayanin prade pungkut ngarubuhin wewangunan krama tios.
  - na. Sang notor / munggul utawi ngarebah taru tur ngarubuhin wewangunan krama tios.
- (5) Prade wenten wit mentik sajeroning wates patut kapademang, mangda tan ngranayang wicara, prade sampun ageng kapademang wit punika pinara tiga :
  - ha. Apah tiga katur ring sang nruwenang wit.

- na. Apah tiga katur ring sang panyandingnya.  
 ca. Apah tiga katur ring Desa Pakraman.
- (6) Krama Desa patut ngamanggehang kawerdian tanem tuwuh sane ngawinang desane asri.

### Kaping 3

## WEWANGUNAN

### Pawos 30

- (1) Nyabran ngawangun patut ;
- ha. Masadok ring prajuru / dulun desa kaping ajeng :
- Prade wewangunan nganinin wates.
  - Prade ngawangun ring tios karang desa.
- na. Ngangge sukat asta bumi miwah gagulak kosala kosali sanistane manut ring patitis niskala.
- ca. Tan nyayubin kapisaga.
- ra. Ngawangun nampek ring khayangan patut apenimpug / 15 meter saking panyenger.
- (2) Prade wewangunan ngantos nyayubin bilih-bilih temboke ring tengahing wates risampunkawara tur kasadokang ring dulu wenang kadanda manut pararem, saha tembok inucap kagubar utawi sanistane mangda kakaryanin abangan.

## Kaping 4

## WEWALUNGAN

## Pawos 31

- (1) Sahanan warga desane sane miara wewalungan patut sayaga nitenin negul / ngalogor mangda tan ngarusakin karang utawi paabianan krama sios bilih-bilih jantos ngranjing ngeletehin kahyangan.
- (2) Prade wenten wewalungan malumbar utawi ngeleb ngarusak karang / paabianan krama siosan, risampun kawara kengin kataban tur kadanda ngawaliang wit sane karusak saha nawur panebas papiaran tetabanan manut pangalogika / prajuru / dulun desa.
- (3) Prade jantos ngeletehin linggih suci minakadi pamrajan (sanggah) risampun kaparitas olih prajuru / dulun desa wenang sang nruwenang kadanda mabuhu agung (caru eka sata maduluran tebasan prayascita durmanggala), utawi panca sata makerep bebek belang kalung, tegap upacara ning manca kelud, prade jantos ngeletehin kahyangan Desa utawi pura panti.
- (4) Krama desa patut nyanggra wewalungan miwah sarwa prani, tan kapatutang maboros paksi, miwah nuba ulam miwah sane tiosan, prade wenten malaksana sakadi punika keni pamidanda manut pararem tur kaaturang ring sang ngawawenang.

**Kaping 5****BHAYA****Pawos 32**

- (1) Pari indik bhaya luwire : Jiwa Bhaya, Artha Bhaya, Kapandangan dura cara ring agama
- (2) Sang manggihin kahanan jiwa bhaya patut nepak kulkul bulus mapitulung manut pawos 19, angka (3) aksara ha 3).
- (3) Prade ring desa kahanan jiwa bhaya patut desane ngeturang bhuta yadnya tur sang mayanin katur ring sang ngawawenang.
- (4) Prade wenten jatma mamisuh utawi nguman-uman jatma tios kakenanin pamidanda bia pacamil maduluran tebasan prayascita.
- (5) Yening wenten jatma mamunyah, mejengilan ring Bale Banjar / Wantilan, ring pura utawi ring genah sane kasinanggeh suci, ring margi-margi sewewidangan Desa Pakraman Taro Kaja, patut keni pamidanda manut pararem, maduluran panyangaskara prade sang mejengilan kantos ngamedalang rah.

**Pawos 33**

- (1) Sang ngamanggihin kahanan artha bhaya (kemalingan) patut nepak kulkul bulus mapitulung manut pawos 19 angka (3) aksara ha 2). Utawi sang kemalingan atur supekta ring prajuru

/ dulun desa sane pacang nandanin sane mawuwuh panyangaskara prade wenten jatma ngamaling barang sinanggeh suci.

- (2) Pratingkahe mapailon ring dusta, kabawos saruron, utawi prade wenten jatma manggihin maling tan nyadokang ring prajuru / dulun desa jantos jatma siosan nyaduang, patut kadanda, kadi dandaning maling, prade jantos ping tiga malaksana asapunika wenang kasukserah ring sang ngawawenang.
- (3) Prade wenten jatma ngarereh reramon, minakadi daun kelapa, ron, tanpa sadok ring sang nruwenang, prade kacunduk (katara) patut kadanda kadi dandaning maling.
- (4) Yening wenten jatma ngranjingin kapakunon wiyadin pakarangan jatma tiyos rikala suwung mawastu sang madruwe karang kaicalan, wenang jatma inucap katuwekang.
- (5) Mangda tan katuwekang manut sakadi ring ajeng asing-asing ngaranjing kapakubon jatma sios rikala suwung patut :
  - ha. Matengeran suara (makaukan).
  - na. Nyantos sang nruwenang karang rawuh, utawi masadok ring pangapit pinih tampek maka buatan pangaranjinge.
  - ca. Pamedal karangnya kadagingi sawen maka cihna pangarah rikala suwung.

**Kaping 6****PANYANGGRAN BANJAR****Pawos 34**

Krama banjar rikala ngawentenang karya suka duka patut kasanggra olih banjar luwire :

- ha. Prade ngawangun pitra yadnya utawi manusa yadnya manut pinunas sang mayadnya.
- na. Panguingu rikala pitra yadnya inggih punika kasanggra manut pararem.
- ca. Pangrombo tiyosan manut pararem.
- ra. Indik krama banjar dura desa penyanggrane manut perarem.

**CATHURTAS SARGAH  
SUKERTA TATA AGAMA**

**Palet I****INDIK DEWA YADNYA****Pawos 35**

(1) Palinggih panyiwian sawidangan Desa Pakraman Taro Kaja, luwire :

- ha. Khayangan Jagat Pura Agung Gunung Raung
- na. Pura Sang Hyang Tegal.

- ca. Pura Dalem Pingit lan Prajapati.
  - ra. Pura Dalem Watu Renggong.
  - ka. Pura Dalem Simpangan.
  - da. Pura Sang Hyang Alang.
  - ta. Pura Sang Hyang Rau.
  - sa. Pura Melanting
  - wa. Pura Tegal Suci
  - la. Pura Panegtegan
  - ma. Pura Pasiraman
  - ga. Padma Catus Pata
- (2) Rahina Piodalan soang-soang Kahyangan inucap inggih punika :
- ha. Ring Pura Khayangan Jagat Pura Agung Gunung Raung rikala Buda Kliwon wuku Ugu.
  - na. Ring Pura Sang Hyang Tegal rikala Anggara Kliwon Kulantir.
  - ca. Ring Pura Dalem Pingit lan Prajapati rikala Saniscara Kliwon Landep.
  - ra. Ring Pura Dalem Watu Renggong rikala Anggara Kliwon Julungwangi.
  - ka. Ring Pura Dalem Simpangan rikala Anggara Kliwon Perangbakat.
  - da. Ring Pura Sang Hyang Alang rikala Anggara Kliwon Tambir.

- ta. Riang Pura Melanting rikala Buda Wage Kelawu
  - sa. Ring Tegal Suci rikala ngembot emping
  - wa. Ring Padma Catus Pata rikala Redite Umanis Merakih.
  - la. Ring Pura Panegtegan Manut Wali Padi
  - ma. Ring Pura Sang Hyang Rau Manut Wali Padi
  - ga. Ring Pura Pasiraman rikala Anggara Kliwon  
Julungwangi.
- (3) Pangaci ring pura inucap manut kecap sasta Agama, saha kalaksanayang Nista, Madya, Utama nganutin kawentenan Jagat lan Pararem Desa Pakraman.
- (4) Pangempon soang-soang pura inucap manut dresta kadi ring sor :
- ha. Pura Dalem Pingit kaempon olih Banjar Pakraman Taro Kaja
  - na. Pura – pura siwosan manut Pararem.

### Pawos 36

- (1) Ring soang-soang pura inucap patut kaadegang pamangku, luwire :
- ha. Mangku gede ring Pura Agung Gunung Raung.
  - na. Mangku Pajenengan sikelod/palinggih Masceti.
  - ca. Jero Kubayan ring Bale Agung
- (2) Ngadegang pamangku manut dudonan :

- ha. Nyanjan/nunasang ring ajeng Pura inucap tur ring Pura Agung, Ring Balian tapakan lan sapanunggilanya.
- na. Turunan utawi Ngawaris, saking dumun ngantos kawuwus.
- (3) Tan Kawenang adegang dados Pamangku, luwire :
- ha. Cedangga, upami: Peceng, Perot, Cungih, lan sapanunggilanya.
- na. Sang sapa sira ugi sane tan kapatutang manut pararem.
- ca. Sakit ila, Ayan, Edan Wiadin Buduh.
- ra. Sane tan madrebe kasucian urip, makadi ;
- 1) Pecak Maling.
  - 2) Naenin Kapangkeng/ Buwi.
- (4) Prabia Kapamangkuan .
- ha. Adiksa Widhi (ngawintenin) lanang istri kamedalin saha kalaksanayang olih sang ngadegang, makadi krama Desa utawi Pangempon Pura soang-soang.
- na. Mapitra yadnya riwekas lanang miwah istri, kulawarga purusa pamangku patut kasungkemin olih Krama Desa utawi pangemong tur manut pararem, sanistane Brahmprayascita, panyanggrane manut pararem, prade Yadnya inucap kalaksanayang olih wargan sira pamangku.
- ca. Sinalih tunggil krama yan wenten ngipik-ipik saparipolah pamangku, nanging pamangku tan asapunika

paripolahnya kadi sane kaipik-ipik, wenang jadmā inucp  
kasisipang nyuciang pamangku, manut pararem.

- (5) Pamangku patut ngamanggehang sesananing Pamangku,  
Luwire :
- ha. Ambek Dharma Sadhu;
  - na. Asewaka Dharma, makadang sastra utama;
  - ca. Tan parek ring naya dustha;
  - ra. Tan atayub ring tarub camara yudha;
  - ka. Tan manjing ring umah wong baniija karma;
  - da. Tan manjing ring umah wong daratikrama;
  - ta. Tan wenang ajajuden;
  - sa. Tan anginum asing angawe mada;
  - wa. Tan pati pikul-pikulan;
  - la. Tan salah suluh;
  - ma. Tan wenang anayub upadrawaning cor, yan  
mawiyawahara teka wenang adewa saksi;
  - ga. Tan wenang angamet wong nyapihan, balu, Stri larangan.
  - ba. Tan griganing wong akweh;
  - nga. Tan keneng cuntakaning wong len, sajawaning  
kulawarganya tunggil natah.
- (6) Prade mamurug, wenang Pamangku nyepuhin raga kasaksinin  
olih Prajuru Desa.
- (7) Yan pacang ngawalat rabi wenang ngaturang rumuhun  
pawintenanya, ring pura genah madeg pamangku nguni,

tembenya wawu wenang ngawalat rabi, riwus upacaranya  
wenang ngawana wasa salaminya awarsa, wus punika wawu  
mawinten lakirabi kadi pawintenannya nguni.

### Pawos 37

Swadharman Pamangku, luwire :

- ha. Ngenterang upacara ring Kahyangan utawi ring soang-soang  
pakubon krama;
- na. Prade salah sinunggil Pamangku kapialang utawi cuntaka,  
kengin nguntap Pamangku kahyangan desa tiosan utawi  
nuwur sang sulinggih;
- ca. Samaliha yan sampun Pamangku ngayah ring pura kancit  
wenten kulawarganya seda, Pamangku inucap tan keneng  
cuntaka sakewanten Pamangku tan budal salami piodalan.

### Pawos 38

Patiyas utawi olih-olihan Pamangku, luwire :

- ha. Sarin canang ring soang-soang pakubon Krama Desa  
Pakraman;
- na. Upon-upon Palaba Carik miwah tegal manut pararem;
- ca. Luput pakaryan lan rerampen, utawi reramon nanging  
padagingan keni kadi patut;
- ra. Luput patedunan kalayu sekaran miwah pitra yadnya  
(pangabenan);

ka. Upon palaba carik 42 (petang dasa dua) ara pamekas pamangku Pura Agung, Laba pamubuan ring kubayan angge bubuk rikala sangkep;

### Pawos 39

- (1) Pamangku kagentosin yening pamangku inucap :
- ha. Sangkaning seda;
- na. Pirunas ngaraga, manawi kageringan lan sapanunggalania;
- ca. kawusang olih Krama Desa Adat manawi malaksana tan patut, makadi :
- 1) Himsa karma (mamati-mati wong len).
  - 2) Wisada (meracuni wong len).
  - 3) Mamandung (mamaling)
  - 4) Amitra maling (masawitra ring maling)
  - 5) Ajajuden (mamotoh)
  - 6) Sura (mamunyah)
  - 7) Sakama-kama (mamitra)
  - 8) Satrugna (demen mangamuk).
- (2) Prade wenten pamangku sinalih tunggil kawusang sangkaning malaksana tan patut Astha Dusta, kakenin pamidanda manut pararem Pakraman, saha ngawaliang prabya pawintenannya pecak.

## Pawos 40

## Kasukerta Kahyangan Kadi Ring Sor :

- (1) Nenten kalugra ngaranjing ka pura / genah suci yaning :
- ha. Nemoning Wuku Watugunung ngawit Radite Kliwon  
Watugunung ngantos Buda Kliwon Sinta
  - na. Sang katiben cuntaka, makadi sangkaning cuntaka saking  
ngaraga utawi kapademan.
  - ca. Makta barang sane sinanggeh ngaletihin, luwire ;
    - 1) Makta barang-barang pangabenan, sios ring prabot  
upacara.
    - 2) Tanah Setra
    - 3) Wek-wekan Wastran manusa.
    - 4) Wangken manusa
    - 5) Wangken wewalungan
  - ra. Sato Agung, minakasi : Banteng, Kebo, kambing, bawi,  
Kuda, sajawaning rikala wenten Upacara Mapepada.
  - ka. Mabusana sane tan manut kadi tata caraning ngaranjing  
ring pura, sinalih tunggil nenten mabusana adat,  
sajawaning kabuwatang.
  - da. Sadurung polih wak-wakan saking prajuru Desa utawi  
pamangku pura inucap.
- (2) Pratingkahe sane tan wenang ring pura luire :
- ha. Macoran (masumpah) sajawaning pituduh prajuru manut  
pararem Krama Desa Pakraman Taro Kaja.

- na. Wakparusya / wak capala, makobetan, masasenengan, makolem lanang istri dados asiki, mabacin, mawarih, macecepin rare, majaljal / majengilan, nyangsang busana, menahin pusungan (santukan punika rikala majejahitan patut magelung busung / wastra putih kuning, macingor lidinya).
- ca. Mungguh tedun palinggih sajawaning kabuatang, lan pituduh Prajuru Pakraman (Bendesa Pakraman) utawi pamangku.
- (3) Sang mamurug kadi kecap ring ajeng, kakeninin pamidanda sapatutnyane manut pararem Desa Pakraman Taro Kaja.

#### Pawos 41

- (1) Yening wenten sinalih tunggil jadma karawuhan ring pura, kengin kapintonin pinaka bukti, prade rumasa kasumangsayan, kawenten yaning tan wiakti kadi punika, jadma inucap kasisipang tur kakenanin pamidanda manut pararem.
- (2) Prade wenten kahyangan kahanan durmanggala, minakadi keni baya, pamangku / sang manggihin mangda digelis nyadokang ring Bendesa pakraman, mangda marumang Krama Desa Pakraman, tur ngamargiang upacara Parayascita ring pura inucap.

**Palet 2****INDIK RESI YADNYA****Pawos 42**

- (1) Sang pacang madeg pandita / pinandita utawi pamangku, minakadi Balian sonteng, Kubayan, Dalang, saluwire jagi ngenterang Yadnya, patut masadok ring Bendesa Pakraman utawi ring Parisadha Hindu Dharma Indonesia
- (2) Prajuru Desa Pakraman patut ngawas nitenin tur wenang ngalangin prade wenten kacihnan nyasarring kakecap miwah drestane tur sareng nyaksinin Upacaranya saha nyobyahang ring Paruman Desa Pakraman tegap rawuhing wates kawenangannya ngenterang yadnya.
- (3) Krama Desa patut ngaturang ayah sapamadeg miwah ring pangelaspas sang pandita / pinandita lan pamangku riwekas katuntun olih Bendesa Pakraman.

**Pawos 43**

- (1) pamangku patut ngariyininang ngayuning / muput yadnya ring wewidangan Desa Pakraman Taro Kaja, sesampune wawu kalugra muput Yadnya kajabar sios desa utawi kadura desa.
- (2) Krama Desa sami patut nitenin katuntun olih bendesa Pakraman, mangda sahanan yadnya sane kawentenang kaicen

pamatut / pamuput olih sang Pandita / Pinandita utawi pamangku manut kawenangania soang-soang.

### Palet 3

## INDIK PITRA YADNYA

### Pawos 44

Pamargin Pitra Yadnya madudonan manut sakadi ring sor :

ha. Pangupakaran Sang Kalayu Sekaran (Padem)

- 1) Antuk mendem makacihna makingsan ring Ibu Pertiwi.
- 2) Atiwa-tiwa (Ngaben) ngempon kelaksanayang manut pararem.

na. Upacara Upakara Pitra Yadnya riwusan kaabenang ngararis munggah daun bingin (ngaroras) manut dudonan atma wedana.

### Pawos 45

Swadarmaning lan tategenan prade wenten sinalih tunggil kalayu sekaran kadi ring sor :

ha. Sang kaduhkitan patut :

- 1) Nyadokang ring Kelian Pakraman tur nunas tatimbang ring kawentenania,

- 2) Kelian Pakraman ngaturin Krama Banjar mangda ngaronbi makarya eteh-ete sang sane ngaben manut dresta lan pararem.
- na. Swadarmaning Krama Banjar Pakraman Kadi ring sor :
- 1) Kelian Pakraman maritatas ring sang kaduhkitan, napike wenten Dewasa Ayu pacang ngamargiang.
  - 2) Prade kapendem tur wenten dewasa, raris kawentenang kulkul pamitahu manut pawos 19 angka 3 aksara na 1), 2), 3) ring ajeng
- ca. Swadarmaning Krama Pakraman rikala kawentenang ngaben :
- 1) Soang-soang Krama Banjar nedunang patus, rerampen lan ayah-ayahan manut pararem.
  - 2) Yening wenten pamangku Kahyangan jagat utawi kahyangan desa kapalebong Krama Pakraman ngamedalang patus, rerampen lan ayah-ayahan manut pararem.
  - 3) Krama Banjar sareng sami ngater kasetra ngantos puput.
  - 4) Nenten kalugra nginepang bangbang miwah mendem rikala piodalan utawi manut pituduh prajuru desa.
- ra. Prade wenten kalayu sekaran rikala piodalan, kengin mendem tanpa sadok, tan nyuwarang kentongan / kulkul tur mamargi wengi / ngalimasa / galang tengah.

## Pawos 46

- (1) Sane kasinanggeh kacuntakan sekadi ring sor :
- ha. Cuntaka kalayu sekaran (Padem / seda).
  - na. Cuntaka antuk ngraja swala (menek bajang).
  - ca. Cuntaka antuk ngembasang putra.
  - ra. Cuntaka antuk karuron.
  - ka. Cuntaka antuk pawiwahan (nganten).
  - da. Cuntaka sakit ila, buduh.
  - ta. Cuntaka antuk Gamia Gamana.
  - sa. Cuntaka antuk salah timpal.
  - wa. Cuntaka antuk mamitra ngalang.
  - la. Cuntaka antuk yening wenten anak istri mobot nenten kaupakarayang pabiyu kawonan miwah pawidi widana.
  - ma. Cuntaka antuk istri ngamedalang putra sadurunge kaupacara pabyakala miwah pawidi widana.
  - ga. Cuntaka antuk Sad Tatayi
  - ba. Yan wenten sakadi ring ajeng patut keni pamrayascita.
- (2) Sengker Cuntaka manut kawentenaniania :
- ha. Cuntaka kalayu sekaran anak padem abulan pitung dina (42 dina) sakeng sane madruwe subala lan 3 rahina sajeroning pakarangan tur ngantos mabuhu agung.
  - na. Cuntaka ngraja swala (menek bajang) ngantos mabersih.
  - ca. Cuntaka ngembasang putra, ngantos ngekambuhin (42 dina)

- ra. Cuntaka karuron, ngantos kaprayascita
- ka. Cuntaka sakit ila, buduh / edan, cuntakanya manut ilikita  
pastika saking sang ngawawenang / sang nambanin  
miwah sampun maprayascita
- da. Cuntaka pawiwahan / Alaki rabi / nganten, ngantos  
kalaksanayang upacara pasakapan.
- ta. Cuntaka Gamia Gamana, ngantos kaprayascita.
- sa. Cuntaka salah timpal, ngantos maprayascita tur malukat  
ka segara.
- wa. Cuntaka anak istri mobot tanpa rabi, ngantos upacara  
pabiukaonan.
- la. Cuntaka mamitra ngalang cuntakanya ngantos  
kawentenang upacara pabiukaonan / masakap-sakap.
- ma. Cuntaka anak alit embas nenten wenten ajine / bapane,  
ngantos wenten meras tur kaprayascita kadi patut.
- ga. Cuntaka Sad Tatayi, cuntaka ngantos sampun  
maprayascita raga tur nenten pisan dados  
ngamungganghang upacara pawidi widana
- (3) Cuntaka kalayu sekaran / kapademan :
- ha. Kapendem cuntakanya inggih punika :
- 1) Kulawarga sajeroning pakarangan ngantos 3 rahina /  
ngantos mabuhu agung.
  - 2) Sane madrebe kalayu sekaran ngantos 42 dina
- na. Kaabenang cuntakanya :

Sang nyambut karya Pitra Yadnya cuntakanya ngawit saking nyambut padewasan karya utawi ngaryanin sanganan / ngoreng, ngantos nyekah.

(4) Sane katiben cuntaka luire :

ha. Kalayu sekaran sane kacuntaka :

- 1) Sang sane madrebe kalayu sekaran ngantos 42 dina
- 2) Kulawarganya sajeroning karang 3 rahina tur sampun mabuhu agung.
- 3) Babanjaran wusan mendem.

na. Ngaraja swala sane kacuntaka :

Sang sane ngraja swala.

ca. Ngembasang putra sane kacuntaka :

Kulawargania sane ngembasang putra, reraman lanange ngantos kapus pungsed, reramane istri ngentos bulan pitung dina (42 dina) rare ngantos 3 sasih.

ra. Pawiwahan sane kacuntaka :

Sang sane ngalaksanayang pawiwahan lanang wiadin istri

ka. Sakit ila, buduh, sane kacuntaka raganya dewek.

da. Karuron sane kacuntaka sane karuron.

ta. Gamia gamana sane kacuntaka : sang sane ngalaksanayang gamia gamana, Desa Pakramannyane / Khayangannyane.

- sa. Salah timpal sane kacuntaka : sang sane malaksana salah timpal, Kulawarganya, Desa Pakramannyane / Kahyangannyane.
- wa. Anak istri mobot nenten kawentenang upacara pabiukaonan sane kacuntaka : sane maraga istri (sane mobot)
- la. Mamitra ngalang sane kacuntaka sane ngalaksanayang mamitra ngalang.
- ma. Ngembas putra nenten kawentenang upakara pabiukaonan miwah upakara pawidi-widana sane kacuntaka ;
- 1) Sang sane ngembasang putra.
  - 2) Putra sane embas.
- ga. Sad Tatayi sane kacuntaka : sang sane malaksana Sad Tatayi.
- (5) Tan keneng cuntaka luire :
- ha. Sang sulinggih lan Pamangku.
- na. Rikala piodalan risampun ngalang sasih / ngalang tengah.

#### Pawos 47

- (1) Atiwa-tiwa (Pangebena) kalaksanayang antuk :
- ha. Sawa prateka, pangabena mawatang sawa.
- na. Sawa resi, pangabena mawatang antuk sawa kresyan.

- ca. Suwasta, pangabenan mawatang sawa sane tan kakeniang kagentos antuk lalang utawi toya.
- (2) Panamayan pangabenan wenten kalih pawos :
- ha. Ngaben dadakan / bah bangun kadadosang ring sedan pamangku utawi sang ngambil karya ayu.
- na. Ngaben ngamasa ring sajabag Desa Pakraman Taro Kaja manut pararem.
- (3) Dudonan pangabenan ngawit saking ngawangun ngeseng ngantos pangiriman utawi nganyut.

#### Pawos 48

- (1) Peputusan pangabenan wenten kalih pawos :
- ha. Ngaben ngamasa luwire : patempungan manut drestha.
- na. Ngaben dadakan / ngaben pamangku : manut pararem.
- (2) Pangingune ring krama banjar manut pararem.

**Palet 4**  
**INDIK MANUSA YADNYA**

**Pawos 49**

- (1) Manusa Yadnya inggih punika, Upacara-upacara dharmaning manusa ngawit saking patemoning kama bang lawan kama petak ring sajeroning garba sang ibu, nagntos kalayu sekaran riwekas.
- (2) Upacara kadi ring ajeng sekadi ring sor :
- ha. Upacara magedong-gedongan.
  - na. Upacara embas rare (mapag rare).
  - ca. Kepus Odel / kepus puser (kepus pungsed).
  - ra. Upacara tuuh ngarorasin (12 dina).
  - ka. Upacara tutug kambuhan (42 dina).
  - da. Upacara nelu bulanin (asambutan).
  - ta. Upacara awetuan (otonan / 6 sasih).
  - sa. Ngraja swala / menek bajang, ngembakin lanange.
  - wa. Upacara mapandes / matatah.
  - la. Upacara pawiwahan / alaki rabi ;
    - 1) Nganten nilar Desa Pakraman Taro Kaja, manut pararem.
    - 2) Nganten saking Agama tiosan, manut pararem.
  - ma. Upacara Mawinten.

- (3) Nganinin Upacara-upacara inucap kalaksanayang Nista, Madya, Utama manut kecap sastra agama lan Desa Dresta.

**Palet 5**  
**INDIK BHUTA YADNYA**

**Pawos 50**

- (1) Bhuta yadnya inggih punika upacara-upakara byakala ring pratiwi lan kahyangan sarwa prani saha upacara-upakara ring babuthan miwah ring piranti sewosan.
- (2) Upacara pabyakala ring sarwa prani, sarwa tumuwuh muwang piranti luwire :
- ha. Ring sarwa lelandep rikala Saniscara Kliwon wara Landep.
  - na. Ring sarwa tumuwuh, lelanguan lan piranti rikala Saniscara Kliwon wara Wariga / tumpek pengarah.
  - ca. Ring sarwa swandana / wahana rikala Saniscara Kliwon wara Kuningan
  - ra. Ring sarwa ingon-ingon / wewalungan rikala Saniscara Kliwon wara Uye / Tumpek kandang.
  - ka. Ring sarwa ringgit ukir-ukiran rikala Saniscara Kliwon wara Wayang.
  - da. Upacara pakala-kalan manusa manut widana, kabawos pabyakala.

- (3) Upacara pabyakala ring Pratiwi, Kahyangan lan Babuthan kawastaning macaru minakadi nangluk marana nuju tilem kaenem ring tangluk antuk godel lantur benjangne nyepi ring carik.
- (4) Pacaruan inucap kamargiang Nista, Madya, Utama manut wiguna :
- ha. Eka sata
  - na. Panca sata
  - ca. Panca sanak
  - ra. Resi Gana
  - ka. Tawur Agung
  - da. Manca Kelud
- (5) Sajawaning kadi ring ajeng naler kawentenang upacara :
- ha. Mabanten saiban / Jotan nyabran rahina riwus maratengan.
  - na. Masapuh rikala pacang wenten wali / Odalan ring pura utawi mrajan / sanggah soang-soang, ring Desa Pakraman / paumahan

#### Pawos 51

- (1) Nangken ngawarsa rikalaning nemu Tilem Kasanga, kawentenang tawur Kasanga, kalanturang antuk nimpung / pangrupukan maka cihna ,apag rawuhw Rahina Nyepi benjangne.

(2) Brata Panyepian sane patut kamargiang olih Krama Desa Pakraman inggih punika :

- ha. Amati Geni : Nenten kengin maapi-api arahina.  
 na. Amati Karya : Nenten makarya sane mabuat sarahina.  
 ca. Amati Lelungan : Nenten medal Kamargi Agung sarahina  
 ra. Amati Lelungan : Nenten ngawentenang oneng-onengan sarahina

(3) Paberatan inucap kamargiang saking semengan ngantos semengan benjangne raris kasuarayang kentongan / kukul pinaka cihna sampun ngembak, yening durung wenten suaran kentongan nenten kadadosang ngembak ngaraga, yan mamurug pacang kakenain pamidanda manut Pararem Pakraman.

(4) Ring ngamargian Brata Panyepian pacang kaenter olih Prajuru desa / bendesa kasarengin olih pacalang sregep mabusana Pakraman Pacalang

(5) Benjang semengane kawastanin Rahina ngembak geni, kala irika soang-soang krama ring banjar Pakraman mangda ngawentenang Upacara Madharma Santi, saling ngaksama sareng sameton lan krama siosan ring sajabag jagat Desa Pakraman Taro Kaja.

**PANCAMA SARGAH**  
**SUKERTA TATA PAWONGAN**

**Palet 1**

**INDIK PAWIWAHAN**

**Pawos 52**

- (1) Pawiwahan inggih punika patemoning purusa pradana malarapan panunggalan kayun suka lila kadulurin antuk upasaksi sakala-niskala.
- (2) Palaksanaan pawiwahan luire :
  - ha. Pepadikan, kamanggala antuk pakrunayan.
  - na. Ngarorod, marangkat riyin wawu kakrunayang.
  - ca. Nyeburin utawi sentana nyeburin.
- (3) Pidabdab sang pacang mawiwaha patut :
  - ha. Sampun manggeh deha-truna (prasida nganutin undang-undang).
  - na. Sangkaning pada lila (tan kapaksa).
  - ca. Manut kecap sastra agama tan gamia gamana.
  - ra. Kawidi widana / kasudiwani prade pangambile tios agama.
- (4) Pamargin pawiwahan mangda nganutin Undang-Undang Perkawinan sakeng Sang Ngawewenang.

### Pawos 53

- (1) Pawiwahan sane kapatutang ring desa sakadi ring sor :
- ha. Sampun kamargiang pabyakala utawi pasakapan kasaksiang sakala-niskala olih pandita utawi pinandita.
  - na. Wenten pasaksi prajuru / dulu-dulu sane mapakelingang utawi ngilikitang pawiwahan.
  - ca. Sampun matengeran suara kulkul.
  - ra. Pawiwahan inucap ring ajeng sampun kacatetang sang ngawawenang.
- (2) Parabian sane tan manut kadi ring ajeng sinanggue tan patut.

### Pawos 54

Tata caraning parabian patut sakadi ring sor :

- ha. Sapasira ugi pacang ngawarangang pakulawangan patut masadok ring prajuru / dulu-dulu sanlanturnya prajuru / dulu maritatas manut tan manut pamargin parabiane.
- na. Pamargin papadikan manut dudonan :
  - 1) Pakrunayan jantos ping tiga luwire :
    - ha. Kapratama olih kulawarga utawi reramanya.
    - na. Kaping kalih olih kulawarga sami tur kasaksiang olih parajuru lan ngaturang canang pangerawos.
    - ca. Kaping tiga pangambilan sang maraga pradana olih sang maraga purusa kabawos pamuput pepadikan.

- 2) Risampun puput raris sang istri utawi sang maraga pradana budal ring pakubon sang lanang utawi purusa saha kalanturang antuk pabyakala.
- 3) Mangda pragat tumus sakala-niskala, raris kulawarga purusa makta Pajati / tipat bantal ring mrajan wadone / pradana.

ca. Prade ngarorod / marangkat patut :

- 1) Reraman lanange utawi sang sinanggeh purusa ngawentenang pamilaku pangenduh antuk duta sakirangnya 2 (kalih) diri.
- 2) Pagenahan antene tan kengin ring pakubon sang lanang / sinanggeh purusa sedereng mabyakala.

ra. Sajeroning pakrunayan pangalakuan patut :

- 1) Kamanggala antuk geng pangampura arep ring reraman wadone / pradana
- 2) Kaigumang bawos idih pakidih utawi palemagan arep ring pasewakan sang ngidih saha dewasa pakerabkambeannyane riwekas.
- 3) Kacihnayang indik kapurusa utawi prade sentana ajeg, kajejerang kapatut ngidih anak lanang sane kabawos pawiwahan nyeburin tur risampun sulus pamerasan kategepin kamanggehang sentana nyeburin.

ka. Pakerabkambean mapiteges upacara tinas apadang (puput) mapikuren. Dwaning manut sakadi ring sor :

- 1) Sajeroning kabawos ambe, kalaksanayang ring sakala-niskala antuk sarana jejauman miwah pawidi-widana.
  - ha. Jejauman pinaka ngambe ngadungan kayun soang-soang pakulawargan wadone.
  - na. Widi-widana pinaka pajati niskala nunas wadone ring pamrajannya.
- 2) Sajeroning bawos kerab palaksana ring sakala :
  - ha. Antuk panyaksi krama banjar dwaning kakerabang antuk tengeran kulkul.
  - na. Pamekas panyaksi Prajuru / dulu-dulu sane ngilikitang.
  - ca. Prade wenten sang wadua utawi sinanggeh pradana kaambil kadura desa patut sang ngambil naur swaran kulkul antuk arta akuehnya manut pararem.

### Palet 2

### INDIK NYAPIAN

### Pawos 55

- (1) Pawiwahan prasida kawusang malarapan antuk palas parabian utawi kapademan.
- (2) Wusan mapakuren riantukan salah sinunggal seda mapiteges balu, makadi balu lanang / istri.
- (3) Palas parabian inggih punika sangkaning mawiwit wicara.

- (4) Sang ayat palas marabian patut atur supeksa pailikitan riyin ring sang rumawos wastu tinas apadang pamutuse kabawon nyapian, wawu dulu nyobyahang kawentenanya ring desa saha kené panebas swaran kulkul manut pararem.

### Pawos 56

Tata cara palas parabian sakadi ring sor :

- ha. Nawur prabeya pasaksi sinalih tunggil manut pararem;
- na. Pagunakayan polih pahan pada;
- ca. Pabekel tadtadan soang-soang kakuasa niri-niri miwah warisan kakuasa olih purusa.
- ra. Ngaweruhin miwah ngupajiwa pratisentana manut swadarmaning guru rupaka.
- ka. Nawur pamidanda panumbas swaran kulkul manut pararem.
- da. Mapamit ring Pamrajan lanange.

### Pawos 57

Prade riwekas sang palas kacihna adung malih patut :

- ha. Ngalaksanyang pawiwahan malih.
- na. Kadanda nikel saking palase.

### Pawos 58

- (1) Sang balu kabinayang dados :

- ha. Balu luh wit sentana (sentana rajeg) miwah balu luh boya sentana.
- na. Balu muani (wit sentana) kapurusa miwah balu muani nyeburin (boya sentana)
- (2) Swadarmaning balu inucap patut :
- ha. Ngamanggehang patibrata tan kengin ngamargiang paradara / darati krama.
- na. Nguasayang waris pagunakaya, tan dados ngadol, ngadeang, makidihang lan siosan punika sajawaning kabebasan olih pianak utawi kulawarga pinih tampek sakeng kurenannya prade pianak kantun alit-alit.
- ca. Kengin ngidih sentana prade wenten pidabdab sadurung sinalih tunggil padem saha kabebasan olih kulawarga sakeng kapurusa.
- ra. Kawenangang mawiwaha malih prade wenten kabebasan manut angka aksara ring ajeng.

### Pawos 59

Balu kaucap tan pageh sakadi ring sor :

- ha. Darati krama utawi paradara;
- na. Matilar saking pakubon tan pasadok jantos 6 (enem) sasih;
- ca. Lempas ring swadarma sewos-sewosan, tan prasida ngesehin solah maprawerti arep ring pituduh sane patut sakeng kulawarga purusa.

## Palet 3

## INDIK SENTANA

## Pawos 60

- (1) Sentana wenten kalih pawos, sane kaucap pratisentana miwah sentana paperasan.
- (2) Pratisentana inggih punika sentana sane metu sakeng pawiwahan kapatut.
- (3) Prade pawiwahan tan ngametuang sentana kengin ngidih sentana antuk upasaksi sakala-niskala sane kawastanin sentana paperasan.
- (4) Prade pawiwahan tan kapatut, ngawetuang sentana, mangda tan kantun kawastanin babinjat utawi astra yogia kamanggala antuk panyangaskara.
- (5) Sentana rajeg inggih punika (purusa) tur risampun ngalaksanayang pawiwahan kaceburin.
- (6) Sang sane dados kaarsayang sentana rajeg inucap inggih punika :
  - ha. Pratisentana wadon tunggal utawi salah sinunggil pratisentana wadon yaning makasami pratisentana wadon.
  - na. Sampun kamanggehang dados pratisentana lanang (purusa).

- ca. Kapawiwahang kaceburin kautamayang olih jatma sane maagama Hindu utawi jatma sane maagama siyosan sane sampun ngalaksanayang pamarisuda raga utawi sudiwadani.
- ra. Sang ngamanggehang sentanarajeg patut masadok ring Prajuru Banjar tur Kelian Banjar patut nyobyahang ring banjar saha ngaturang ring ring Prajuru Desa Pakraman.

#### Pawos 61

- (1) Ngangkat sentana manut dudonan patut makacihna arta brana pamerasan sane kasaksiang sakala- niskala.
- (2) Sapa sira ugi Krama pacang ngidih sentana patut masadok ring Bendesa sanistane 3 (tigang) sasih sedereng pamerasan.
- (3) Bendesa kawakilin olih klian-klian banjar nyobyahang ring sawidangan desa, sang sapa sira ugi rumasa tan lila mangda nyadokang masengker kalih wuku (14 rahina) sadurung pamerasan, ring Bendesa Pakraman.
- (4) Prajuru / Dulun desa digelis mawosin saha ngicenin pamutus nepek ring catur dresta miwah pararem.
- (5) Prade sulur paperasan tan manut kadi kecap ring ajeng, Dulun Desa wenang ngandeg sang pacang makarya, saha ngicenin pamutus, mangda kapuputang riyin bebawos sulur utawi wicaranya.

## Pawos 62

- (1) Paperasan sane kapatut ring desa risampun makacihna :
- ha. Widhi widana paperasan.
  - na. Kasaksinin olih Dulun Desa tur wenten ilikita tata sulur pamargin pemerasan.
  - ca. Kasobyahang ring wawidangan desane.
- (2) Sane kapatut peras angge sentana kadi ring sor :
- ha. Jatma ma-Agama Hindu
  - na. Papernahan nedunang saking sang meras.
  - ca. Kulawarga saking purusa, prade tan wenten kengin sakeng wadon yaning taler tan wenten wawu kengin sakama-kama (saking kayun).
  - ra. Kautamayang saking waris pancer kapurusa.
  - ka. Sinalih tunggil mawiwit saking kulawarga tunggal sanggah utawi mrajan paibon lan dadia utawi ngambilin anak tios sakewanten sang ma-Agama Hindu.
- (3) Kengin ngangkat sentana langkung ring adiri, lanang wiadin wadon prade ngangkat sentana lanang wadon, nenten dados kapawiwahang.

## Palet 4

## INDIK WARISAN

## Pawos 63

- (1) Warisan inggih punika tetamian artha brana saha ayah-ayahan ngupadi kasukertan sekala-niskala saking kaluhurannia arep ring turunannya.
- (2) Kang sinanggeh warisan luire :
  - ha. Due tengah, makadi tegal, ayahan desa, khayangan pusaka siwa pakarana lan sapanunggalannya.
  - na. Pamrajan.
  - ca. Pagunakaya, tadtadan / jiwa dana, hutang piutang.
- (3) Wawu kengin kabawos warisan prade wenten :
  - ha. Sang mapiturun (pawaris).
  - na. Katurunan (ahli waris).
  - ca. Arta brana miwah tategenan (ayah-ayahan) makacihna warisan.

## Pawos 64

- (1) Ahli waris, luire :
  - ha. Pratisentana purusa.
  - na. Pratisentana wadon (sentana rajeg)
  - ca. Sentana paperasan lanang/wadon.
- (2) Prade tan wenten sakadi ring ajeng, kang sinanggeh ahli waris.

- ha. Turunan purusa pernah ngunggahang rerama lanang, pekak selantur ipun, rerama misan, mindon.
- na. Turunan purusa pernah kasamping makadi kaponakan miwah misan, mindon.

### Pawos 65

Swadarmaning ahli waris patut :

- ha. Nerima saha nguasayang tetamian pahan saking kaluhurania, makadi ngarempon sanggah, Pura saha pangupakarania miwah nyeledihinin ayah-ayahan pawaris.
- na. Ngabenang pawaris saha ngalanturang upacara-upacara pitra.
- ca. Naurin hutang-hutang pawaris sane manut pangalogika.

### Pawos 66

Pangepahan waris manut sekadi ring sor :

- ha. Risampun kalaksanayang Pitra Yadnya lan hutang-hutang pawaris buntas katawur.
- na. Para ahli waris polih pahan sangkaning pagunakaya, saha karang / tegal ayahan desa kaemong olih waris, kang sinanggeh Krama Ngarep.
- ca. Sinalih tunggil ahli waris kengin tan polih pahan prade :
  - 1) Nilar kawitan lan sesananing agama
  - 2) Alpaka guru rupaka

- 3) Sentana rajeg, kesah mawiwaha utawi pratisentana nyeburin soang-soang kabawos ninggal kadaton.
- ra. Boya ahli waris, kengin muponin hasil manut dudonan, luire :
- 1) Sentana luh, salami durung kesah mawiwaha.
  - 2) Balu luh wiadin muani nyeburin (soang-soang boya sentana).
  - 3) Mulih deha utawi truna, riantukan ring pawiwahan pecak sampun kabawosan ninggal kadaton.
- ka. Pawaris kengin maweweh rikala maurip pinaka jiwa dana, tadtadan / bekel makacihna paweweh tetep ring pianak sane kesah mawiwaha.

### Pawos 67

- (1) Prade sajeroning pakulawargan wenten ahli waris langkung ring adiri patut :
  - ha. Kawentenang paigum indik pedumwaris inucap;
  - na. Yan tan prasida katunasang tatimbang ring Dulu-dulu (Kerta Desa);
  - ca. Prade taler tan wenten cumpu ring panepas Kerta Desa, kengin katunasang ring Sang Rumawos.
- (2) Prade Tegal Ayahan Desa, Karang Desa, Karang Gunakaya inucap kaputusan, patut Prajuru/Dulu-dulu nibakang ring :
  - ha. Sang sinanggeh ahli waris manut pawos 64.
  - na. Sang kengin anggen sentana manut pawos 62 (2)

- ca. Prade taler tan wenten cumpu ring panepas Kerta Desa, kengin katunasang ring Sang Rumawos.
- (3) Tegal Ayahan Desa tan dados keadol :
- ha. Matimbang / matukar Ayahan Desa, kalugra ring warga sawawidangan Desa Pakraman Taro Kaja.
- na. Tegal Ayahan Desa dados kasepih antuk pada lila kaayahang sangkaning pinunas.
- ca. Prade tanah carik, tanah gunakaya, karang kasepih utawi keadol patut nginutin pararem.
- ra. Prade wenten krama sane pacang matimbang manut aksara ha, na, ca, ring ajeng patut masadok ring prajuru.
- ka. Prade tan anut ring aksara ring ajeng patut keni pamidanda manut pararem.

## SAT SARGAH

### WICARA LAN PAMIDANDA

#### Palet 1

#### INDIK WICARA

#### Pawos 68

- (1) Sane wenang mawosin makadi mutusang wicara ring Desa inggih punika Prajuru / Dulun Desa sinanggeh Kertha Desa.
- (2) Tata dudonan mawosin saha muputang wicara warga desa kadi ring sor :

- ha. Kaping ajeng kabawosin olih Kelian Pakraman.
  - na. Tan cumpu ring panepas Kelian Pakraman, karerehang pamutus ring paruman Banjar Pakraman.
  - ca. Prade tan cumpu ring pamutus Banjar, katumusang ring Bendesa Pakraman lan Kertha Desa
  - ra. Taler tan wenten cumpu ring pamutus Bendesa lan Kerta Desa katunasang ring Paruman Desa Pakraman.
- (3) Prade sang mawicata tan wenten cumpu ring pamutus paruman Desa lan Kertha Desa, kengin nunasang wicara inucap ring sang rumawos.

### Pawos 69

- (1) Sahana wicara mawiwit kacorahan saka luire sinanggeh nungkasin daging Awig-awig pararem miwah paswaran Desa / Banjar, Prajuru / Dulu patut digelis mawosin tan nyantos pasadok.
- (2) Sajaba wicara kadi ring ajeng patut nyantosang pasadok sang nunas bawos.
- (3) Panepase patut pastika nyantenang iwang patut malarapan Tri Pramana (Saksi, Ilkita, Bukti) miwah tan maren nepek ring Catur Dresta.

## Palet 2

## INDIK PAMIDANDA

## Pawos 70

- (1) Desa Pakraman / Banjar wenang niwakang pamidanda ring Warga Desa Pakraman sane sisip.
- (2) Paniwak inucap kalaksanayang olih Bendesa / Kelian Pakraman.
- (3) Bacakan pamidanda luire:
- (4) Pamidanda sane katiwakang patut masor singgih manut ring kasisipanne.
- (5) Jinah utawi raja brana pamidanda ngaranjing dados druwen Desa / Bajar Pakraman.

## Pawos 71

- (1) Krama sane langkung ring tigang paruman ngalantur tan nawur urunan miwah dadandan wenang karampag.
- (2) Rerampagan ngangge tata cara kadi ring sor :
  - ha. Kalaksanayang olih prajuru kasarengin olih krama saakehe tigang diri maka saksi.
  - na. Sang ngarampang sangkaning darsana ngambil barang utawi nyawenin tanem tuwuh, akehnya manut ring utang sang karampag. Sang karampag mangda lila nyukserahang barangnya sane dados wala.

- ca. Prajuru / dulu miteketang mangda barang-barang sane karampag digelis katebas, masengker awuku (7 rahina) ring kutus rahina pacang kaadol.
- ka. Tan nganinin saluwir barang sane patut inggilang manut agama miwah tan mademang pangupa jiwa sang karampag.

### Pawos 72

- (1) Prade sang pacang karampag ngawara (ngalangin) palaksanan inucap mawastu sampun tan nganutin awig-awig desa wenang Tegal Ayahan Desa, Karang Desa utawi karang gunakaya sane kagenahin kadaut olih Krama Desa tur manut pararem taler paiguman ring kulawarga.
- (2) Samaliha yan purun taler ngalangin palaksanaan kadi ring ajeng tan wenten pamargi sajawaning kanorayang olih Krama Desane.
- (3) Pamidanda inucap ring ajeng keni buntas risampun sang kakeninin :
  - ha. Nunas geng rena pangampura ring Krama Desa riantukan nguwak pasubaya (pararem pecak).
  - na. Nawur pangargan panguwak pasubayane duk pacang karampag kadulurin pamrayascita panyapsap kaiwangan ring desa.

**SAPTA SARGAH****Nguwah – nguwuhin Awig – awig****Pawos 73**

- (1) Nguwah – nguwuhin awig – awig desa puniki kalaksanayang ring paruman desa.
- (2) Awig – awig puniki kamargiang ngawit kaingkupin (kararemin)

**Pawos 74**

- (1) Sakaluwiring sane wenten saderengnya patut kaanutang ring sadaging awig – awig puniki.
- (2) Sakaluwiring sane durung kabawos sajeroning awig – awig puniki patut kalaksanayang manut tata cara sane sampun mamargi kadulurin antuk pararem – pararem.

**ASTAMA SARGAH****SAMAPTA****Pawos 75**

- (1) Awig-awig puniki kararemin duk rahina Redite, Pananggal ping 13 sasih kawulu Isaka 1923, tanggal 24 Pebruari 2002 masehi, ring Bale Wantilan Desa Pakraman Taro Kaja.

- 2. Awig-awig puniki kalingga tanganin olih Bendesa Pakraman lan Kelian Pakraman, saha kasaksinin olih Prajuru Dinas pinaka saksi
- 3. Luwir sang lingga tanganin :

ha. Kaprathama Prajuru/ Dulun Desa

1. Bendesa Pakraman Taro Kaja



2. Kepala Kalih Prajuru dinas Pinaka Saksi



Mengetahui dan telah dicatatkan

Pada tanggal : 2 Mei 2002  
 Nomor : 12 Tahun 2002

